


PUOGAE YA MOPHATO 1

Sethole se sennye se sehibidu



SETSWANA

Maemo:

3

Buka

1



Puiso e e kaelwang ya ditlhophha

Pele ga puiso

- Phetla kgang e ba tlaa e buisang.
- Kopa barutwana gore ba bolelele kgang pele ba lebeletse setlhogo le ditshwantsho.
- Itsise barutwana ka ga mafoko a mašwa le a a bothata pele ba buisa kgang.

Puiso ya ntlha

- Barutwana ba tshwanetse go buisa buka ka bongwe ka bongwe.
- Barutwana ba tshwanetse go buisa ka tidimalo kgotsa ba ka nna ba 'sebaseba fa ba buisa' buka.
- Tsamaya, tsamaya go tswa mo morutwaneng mongwe go ya kwa go yo mongwe, o kopa morutwana mongwe le mongwe go buisetsa karolo ya sekwalwa kwa godimo.

Motlotlo

- Botsa dipotso tsa tekatlhaloganyo tse di ikaegileng ka buka.
- Tsepamisa matlho mo medumopuong, mafokong a tlwaelo le tlotlofokong.
- O tlaa fitlhela ditirwana tse di kwa morago ga buka e di le botlhokwa le mosola go kaela motlotlo wa phaposi.

Puiso ya bobedi

- Mo malatsing a a latelang, letla barutwana go buisa buka gape, ka sebedi (dipara) kgotsa ka bongwe ka bongwe. (Tlhophha ditirwana tse di lekaneng maemo a barutwana)
- Tsepamisa matlho mo kelelong ya puiso, thutapuong le mo tlotlofokong.
- Letla barutwana go feleletsa ditirwana tse di kaelwang tsa ditlhophha tse di tsenyeleditsweng kwa morago ga buka e. (Tlhophha ditirwana tse di lebaneng maemo a barutwana)

Letla barutwana go diragatsa kgang fa e ba letla go dira jalo.



Barutwana ba tshwanetse go dira ditirwana tsa puiso ya ditlhophha morago ga puiso. Letla barutwana go bereka kana go dira ka ditlhophha go feleletsa ditirwana tse di maleba tsa puiso ya ditlhophha tse di tsenyeleditsweng kwa morago ga buka. Ga ba a tshwanela go kwala mo bukeng e. Ditirwana tse di kwadiwang di direlwae mo dibukeng tsa bona tsa dithutiso.

Sethole se sennye se sehividu



Ka letsatsi le lengwe, sethole
se sennye se sehibidu se ne sa
bona korong.

"Ke mang yo o tlala nthusang
go jala korong e?" Sethole
sa botsa.


"E seng nna," ga kokoretsa
pidipidi.

"E seng nna," leganse la letsat
lepatata.

"E seng nna," ga goeletsa
kolobe.




Ka jalo sethole sa e jala ka
bosona.



Korong e ne ya gola go
nna sejalo se segolo.

"Ke mang yo o tlaa
nthusang go sega
korong?" ga kokoetsa
sethole se sennye se
sehibidu.







"E seng nna," ga kokoretsa
pidipidinyana.

"E seng nna," legansenyana
la letsa lepatata.

"E seng nna," ga lela kolojane.

Ka jalo sa sega korong ka
bosona.





Fa korong e sena go
segwa, sethole se sennyé
se sehibidu sa botsa, "Ke
mang yo o tlaa nthusang
go bofa korong?"




"E seng nna," ga
mumuretsa kgomo.

"E seng nna," ga
bogola ntšwa.

"E seng nna," ga
ngaola katse.

Ka jalo sa e bofa ka bosona.





Morago sethole se
sennye se sehividu
sa botsa, "Ke mang
yo o tlaa nthusang
go sila korong?"





"E seng nna," ga
bua namane.

"E seng nna," ga
bua ntšwanyana.

"E seng nna," ga
ngaola katsana.


Ka jalo, sa sila korong
ka bosona.



Fa korong e sena go
silwa go nna folouru,
sethole se sennye se
sehibidu sa botsa,

"Ke mang yo o tlaa
nthusang go duba
senkgwe?"






"E seng nna," ga bua pitse.

"E seng nna," ga bua nku.

"E seng nna," ga bua tonki.

Ka jalo, sa duba senkgwe
ka bosona.




Fa senkgwe se sena
go bakiwa, sethole se
sennye se sehibidu sa
botsa, "Ke mang yo o
tlaa nthusang go ja
senkgwe?"

"Re tlaa go thusa," ga
bua diphologolo tsotlhe.


"Nnyaya, e seng lona,"
ga bua sethole se sennye
se sehibidu. "Ke tlaa se ja
ka bonna".





O ne a bitsa ditsuane tsa
gagwe mme a kokoetsa,
"Tlayang lo je senkgwe."

Mme tsa ja senkgwe go
fitlha di kgora.



Lo tlāa kotula se
lo se jetseng!


Ditirwana tsa puiso ya ditlhophha



1

Bolelala tsala ya gago

- gore o bona eng mo setshwantshong
- gore ke setshwantsho sefe se se tshwanetseng go nna sa ntsha, sa bobedi, sa boraro le sa bofelo
- Tlotlela tsala ya gago kgang e gape. Netefatsa gore kgang ya gago e na le matseno, mmele le bokhutlo.



2

Dira le tsala. Buisang dipotso lo bo
lo di arabe.

- Naya setlhogo sa kgang e.
- Moanelwamogolo wa kgang e ke mang?
- Fa korong e sena go silwa e nnile eng?
- Sethole se ne sa dira eng ka folouru?
- Ke mang yo a jeleng dijo tse a di apeileng?
- Re bitsa bana ba "pidipidi, leganse, kolobe, kgomo, ntsha, katse, sethole" eng?



3

Mo dibukeng tsa lona tsa dithutiso, kwalang mafoko a a mo kholomong ya ntlha. Jaanong kwalang mafoko a a rumisanang le lengwe le lengwe la ona.


| | | | | |
|-------|-------|--------|------|-------|
| kgogo | pogo | togo | diga | tsogo |
| pina | bina | tswina | pena | ina |
| wena | tsena | ena | pena | tsele |
| bana | tana | ana | bona | kana |



4

Lebelela mafoko a mararo a a mo kholomong e e fa gare. Jaanong bolelela tsala ya gago gore:

- ke setshwantsho sefe se se nyalanang le lefoko lengwe le lengwe
- ke polelo efe e e nyalanang le lefoko lengwe le lengwe



| | |
|---------|-------------------------------|
| katse | "E seng nna," ga bua kolobe. |
| sethole | "E seng nna," ga bua katse. |
| ntšwa | "E seng nna," ga bua sethole. |
| kolobe | "E seng nna," ga bua ntšwa. |



5

Kopololela polelo e le nngwe go tswa mo kgannyeng mo bukeng ya gago ya dithutiso.

- Thalela polelo setshwantsho.
- Kwalela setshwantsho setlhogo.

PUOGAE YA MOPHATO 1



Buka 1

| | |
|----------------------------------|--|
| Leina kana setlhogo: | Sethole se sennye se sehibidu |
| Puo: | Setswana |
| Maemo: | Padiso ya Puogae ya Mophato 1 Maemo 3 Buka 1 |
| Mofuta wa sekwalwa: | Kanelo |
| Mafoko a tlwaelo: | bone, dingwe, boditse, mo, leng, mang, sennye, thusa, nna |
| Tlotlofoko: | korong, pidipidi, ganse, pidipidinyana, tsuane, kolojane, sila, namane, ntswanyana, katsana, sitse, folouru, pitse, nku, tonki, ditsuane |
| Medumopuo: | -ile, -tse, -ng, -ela, -le, -ana |
| Diteng, marel le bokgoni: | <ul style="list-style-type: none">▪ Bua ka ga ditshwantsho.▪ Tlhomaganya ditshwantsho ka tatelano e e nepagetseng.▪ Dirisa ditshwantsho go tlotla kgang gape.▪ Araba dipotso ka ga kgang e.▪ Lemoga mafoko a a rumisanang mo kgannyeng e.▪ Nyalanya mafoko, dipolelo le ditshwantsho.▪ Kopolola polelo e le nngwe go tswa mo kgannyeng.▪ Thalela kgang e setshwantsho.▪ Kwala setshwantsho sa gago setlhogo. |

CAPS e batla gore barutabana ba beele kwa thoko nako e e rileng ya go tota puiso ya ditlhophpha e e kaelwang letsatsi le lengwe le lengwe. Puiso ya ditlhophpha e e kaelwang e batla gore barutwana ba maemo a a tshwanang a puiso ba buise temana e e tshwanang ba le mo ditlhopheng tsa bona ka fa tlase ga bokaedi jwa morutabana.

Morutabana o tshwanetse go rulaganya nako ya go buisa gore e akaretse thuto ya mafoko a a rileng le mekgwa ya go tlhaloganya e barutwana ba tlaa e tlhokang fa ba buisa.

Mekgwaa e gape e batla 'puisano ka ga sekwalwa' magareng ga morutabana le barutwana le magareng ga bana mo ditlhopheng ts abona. Dibuka tse di akaretsa ditirwana di le mmalwa tsa 'puisano ka ga sekwalwa'. tekathlaloganya le ditirwana tse dingwe tse di tsamaelanang go thusa morutabana go kaela puiso ya ditlhophha mo diphaposiborutelong tsa bona.

ISBN 978-1-4315-2672-7



ISBN 978-1-4315-2672-7
**THIS BOOK MAY NOT
BE SOLD.**



basic education


Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Dibuka tse dingwe tse di
mo Šelofong ya Puogae ya
Mophato 1:



Segwagwa se ya kwa sekolong

Ke kgona go buisa

Re ya kwa sekolong rotlhe

Letsatsi la metshameko la
diphologolo



Re rata kgwele ya dinao

Diaparo

Ben o iponela tsala e ntšhwa

Llori ya Matipatipane



Sethole se sennye se sehibusi

Amo o ya kwa ngakeng

Toro ya ga Dudu